



DET KONGELIGE  
KOMMUNAL- OG REGIONALDEPARTEMENT

Austevoll kommune  
5392 STOREBØ

Deres ref.

Vår ref.  
12/718-3

Dato  
02.07. 2012

**Statsbudsjettet 2012 – Kap. 552, post 72 - Tilsegn om inntil 300 000 kroner til prosjektet Integrering av innvandrere - Austevoll kommune – bulyst 2012**

Tilsegnsnr: 12242042.

Vi syner til:

- Utlysning av bulystmidlar på [www.regjeringen.no/bolyst](http://www.regjeringen.no/bolyst)
- Søknad frå Austevoll kommune innsendt 1. mars 2012

Kommunal- og regionaldepartementet (KRD) gir med dette tilskot på inntil 300 000 kroner til prosjektet Integrering av innvandrere i Austevoll kommune i 2012. Dette er ei eingongsløyving for heile prosjektperioden. Prosjektet kan ikkje rekne med ytterlegare medfinansiering frå KRD.

#### **Målet med bulystsatsinga**

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 19 prosjekta som er valde har ulik innretting, ulike tema og stor geografisk spreing. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for

---

Postadresse  
Postboks 8129 Dep  
0032 OSLO

<http://www.krd.dep.no/>

Kontoradresse  
Akersgt. 59

[postmottak@krd.dep.no](mailto:postmottak@krd.dep.no)

Telefon  
22 24 90 90

Org. nr. 972 417 858

Saksbehandler  
Knut Ove Nordås  
22 24 70 49

prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke [www.distriktssenteret.no](http://www.distriktssenteret.no). Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

### **Mål for prosjektet**

1. Betre integrering av tilflyttarar som kjem til kommunen, både nordmenn og dei frå utlandet. Her vil prosjektet gjerne lære av andre som har lukkast. Til det treng prosjektet midlar og ny kompetanse. Kulturarrangementer kan vere ei god døråpnar. Konsertar, utstillingar, teater og drama vil bli nytta i dette arbeidet.
2. Stimulering av bulysta må starte tidleg. Difor arbeider prosjektet aktivt med barne- og ungdomsarbeid i kommunen der mange ulike lag bidrar. Kunnskaps- og kompetanseutvikling er viktig, og der prosjektet kan bidra med deltaking på kurs og få med innvandrarar verker det bra etter prosjektet si erfaring. Dette arbeidet må fortsette.
3. Tilflyttarprosjektet på Møkster. Dette har fått nasjonal merksemd og stor merksemd regionalt. TV2 følgjer no prosjektet og vil sende fleire reportasjer og vise korleis dette går framover. Prosjektet vil gjerne gjere meir av dette også andre stader i kommunen. Det er særleg aktuelt på øya Stolmen, der det er etablert Landskapsparken Stolmen i samarbeid med Fylkesmannen, for å skape ny bulyst gjennom å ta vare på kulturlandskapet og etablere nye arbeidsplassar.

### **Kostnadsoverslag**

Prosjektet har eit totalbudsjett på 600 000 kroner. KRD gjev tilsegn om inntil 300 000 kroner over kap. 552, post 72 i 2012.

Følgjande budsjett ligg til grunn for tilskotet, for heile prosjektperioden fram til 2014: KRD gjer merksam på at vårt tilskot gjeld fram til og med 2014:

### Budsjettplan

Tittel	2012	2013	2014	2015	2016	SUM
Andre konserter	25 000	25 000	25 000			75 000
Havfest-arrangement	100 000	100 000	100 000			300 000
Kompetansebygg. kurs	20 000	20 000	20 000			60 000
Teater og drama	20 000	20 000	20 000			60 000
Tilflyttar tiltak	35 000	35 000	35 000			105 000

SUM 600 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningslinjer for posten på [www.regjeringen.no/krd/retningslinjer](http://www.regjeringen.no/krd/retningslinjer).

### Høvet til EØS-regelverk

Kommunal- og regionaldepartementet har vurdert det slik at Austevoll kommune i denne samanhengen ikkje driv med økonomisk aktivitet og at kommunen ikkje skal sjåast som eit føretak i EØS-avtalen sin forstand. EØS-avtalen sine reglar om offentleg stønad vert difor ikkje brukt på tilskotet.

Vi ber kommunen vere merksam på at dersom kommunen vidareformidlar heile eller delar av tilskotsbeløpet til andre aktørar må kommunen halde seg til reglane om offentleg stønad.

Kommunen bør også vere merksam på at dersom det vert gjort endringar i prosjektet vil dette kunne føre til at aktiviteten i prosjektet endrar karakter frå å vere ikkje-økonomisk til å være økonomisk. I slike høver vil reglane om offentleg stønad kunne bli brukt.

### Vilkår for utbetaling av midlar:

1. Austevoll kommune må innan 1. september 2012 stadfeste ovanfor departementet at det er aktuelt å gjennomføre prosjektet, og at tilskotet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.

3. Det skal først spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskottet tilsvarende. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

### **Rapportering og kontroll**

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2013. De finn eit eige rapporteringsskjema som skal nyttast til rapporteringa på [www.regjeringen.no/bolyst](http://www.regjeringen.no/bolyst). Papirkopi av skjemaet er òg lagt ved dette brevet.

### **Utbetaling**

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadsfesta rekneskap (sjå punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadsfestande rekneskap leverast av:
  - a) Private tilskottsmottakarar som tek imot meir enn 100 000 kroner, jf. RS 800

Revisors uttale ved revisjonsoppdrag med spesielle føremål.

b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.

6. Tilskotet er gyldig i tilsegnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2014. Utbetalingsoppmoding må sendast til departementet innan 1. desember 2014.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

**Kommunal- og regionaldepartementet ber om at følgjande opplysningar blir sende til [postmottak@krd.dep.no](mailto:postmottak@krd.dep.no):**

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med hilsen

  
Gerd Slinning (e.f.)  
avdelingsdirektør

  
Knut Ove Nordås  
seniorrådgiver

Vedlegg:

Rettleiar i lokal samfunnsutvikling  
Rapporteringsskjema for bulyst

Kopi til:

Distriktssenteret - Kompetansesenter for distriktsutvikling  
Plan- og administrasjonsavdelingen  
Riksrevisjonen  
Hordaland fylkeskommune

